









54  
PANDVLPHVS COLLENTIVS

Pisatūriensis Iuriconsultus, Tito Strozze Equiti,  
& Poetæ illustri. S. D.



Id tūli diutius, quā par fuit, deſide-  
rium tuum, diſtūli fateor, ſed inui-  
tus. Incredibile eſt, quantum ſtudijs  
auferant, quantum ſubripiant tem-  
poris, rei familiaris anguſtia, &  
negotij publici, quo per officiū di-  
ſtingor, moleſtia. Dabis ( quæ tua eſt humanitas ) ve-  
niam, ſi tarditatem, rerum copia compenſauero, uti-  
nam, & nobis id contingat, & tu ita cenſeas ( quòd di-  
cere ſolebat Auguſtus ) Non tarde factum eſſe, quòd  
bene factum ſit. Nunc habes quòd petiſti, Germanica-  
rum ſcilicet rerum, ſummam potius, quā deſcriptionem,  
tumultuariae intra hos frigidiffimos dies collectam. Bre-  
uem & quantum potui, & materiæ perplexitas pati-  
tur, dilucidam. Pomponij Melæ præſationem obijciens,  
qui locorum ſcripturus hiſtoriam, opus impeditum, &  
facundiæ minime capax ſuſcepiffe ſe dicit. Immenſus  
profecto labor, vera ſectantibus, iſta digerere, a deò  
confuſa, deprauata, permixta ſunt omnia, dimoti fines,  
locorum facies mutata, monumenta extincta. Corrupta  
urbium, annium, regionum, populorumq; vocabula, &  
quæ ægre latino ſermoni, ſcriptioniq; reddantur, omnia

B

BIBLIOTECA N. S.  
ROMA  
ATTORIO EMAN.



5. 20. I. 19

deniq; barbaricis inuoluta sunt tenebris, vt nec veteribus  
scriptoribus, noui concinant, sed nec veteres inter se con-  
ueniant. Scripsi tamen vt potui, & quæ visu, & ex-  
perientia didici, & quæ multorum authorum lectione co-  
gnoui, non veterum modo, sed eorum qui nostra memo-  
ria, literis aliquid, quod ad rem faceret, vel picturæ man-  
dauerunt. Tu eo animo ista suscipias obsecro, quo bene-  
uolentium amicorum officia interdum suscipis, quorum si  
non laudas opera, operam tamen & voluntatem non as-  
pernaris. Illud tibi ante omnia exploratissimum sit,  
nihil mihi gratius contingere posse, quam tibi homini, vt  
nobilissimo, sic candidissimo, & (quæ rara est gloria)  
prudētissimo poetæ, gratum aliquid, aliquando fecisse.  
Vale. Ex ædibus nostris. III. Id. Decembr. M. D.

DESCRIPTIO, SEV POTIVS  
S V M M A R E R V M  
GERMANICARVM.



Eteres quondam Germaniæ fines,  
bi fuere. Ab oriente quidem Vistu  
la fluuius, quem hodie Viglam di  
cunt, Germaniam à Sarmatia diste  
minans, & Sarmatarum montes,  
qui Danubium inter, & Vstulæ

fontes intercedunt. Ab Aquilone Germanicus oceanus.  
Ab occidente Rhenus fluuius, Galliarum quoq; limes. A  
Meridie Danubius, qui & Ister dicitur, à Rhætis, Vin  
delicis, Noricis, & Pannonijs Germaniam diuidens.

Posteriori tempore, quæqua versum longè lateq; fines, &  
latissimas prouincias in Germanicam linguam, & Ger  
manicos mores legesq; traduxit, adeo, vt hodieq; magnæ  
Germaniæ nomen sibi vendicauerit.

Nam Vistulam transgressa, magnam Sarmatiæ partem oc  
cupauit, qua scilicet Sarmaticum oceanum attingit, &  
tres in ea non exiguas prouincias fecit Pomeraniam pri  
mo. Subinde Prussiam, mox Liunioniam, quæ Rhoxola  
nis, hoc est Rhoxiæ contermina est, quæ Alba cogno  
minatur.

Vltra Sarmaticum quoq; & Germanicum oceanum, & co

rum sinus, Germanicum nomen ad Septentrionem protulit. Insulasque eius maris insignes, & incontinenti maxime Aquilonari, Suetiani, Noruegiamque latissimas provincias Germanico adijerit Imperio, et glaciale oceanum, terramque incognitam & inaccessam, fines fecit.

Rhenum quoque cum trajecisset, qui Galliae, & Germaniae quondam finis fuit, magnam Belgarum partem occupavit, omnemque illum tractum qui a Britannico oceano ad alpes usque, quae Italiae imminet, inter Rhenum & Mosam amnes protenditur, Germanicum fecit. Insignesque in eo provincias statuit. Flandriam, Brabantiam, & ceteras quae dicendae sunt.

Danubium quoque a meridie transgressa, Pannoniam superiorem, Noricum, Vindeliciam, Rhetiam, & Carniam in ipsa Italia, & Iapidum, & Liburnorum partem occupavit, & in provincias plures partita est, Austriam scilicet, Bavariam, Carniolem, Carinthiam, Stiriam, & reliquas quae mox dicentur.

Ita priscos omnes fines cum superasset Germania, latissimos nunc habet, & populorum multitudine, & robore, gentium nobilitate, & urbium magnificentia & claritate nullis facile cedit terris.

Summa igitur provinciarum vel notissimarum, quae hodie Germanico iuri adscriptae sunt, & quae Germanica lingua maiori ex parte videntur. Ipsam prius Germaniam per quatuor orbis plagas circueunti, mox mediam speculanti,



hæc sunt.

Qua ad meridiem spectat intra Danubium & alpes, Tirolum habet, Sueviæ partem, Bavaricæ partem, Carniolam, Carinthiam, Stiriam, Austriam.

Qua vero ad orientem vertitur trans Danubium. Inter amnes Odram (qui Suevus priscis dicebatur) & Vislam Germaniæ terminum, Moraviam habet, & Slesiam, & eam Saxonie partem, quæ Nova Marchia dicitur. Tum Pomeraniam, Prussiam, Livoniam.

Qua in Septentriones spectat, inter Germanici & Sarmatici oceani littora. Et eum qui glacialis oceanus dicitur, siue incognitam terram, primum quidem Germanici oceani habet Insulas. Tum incontinenti trans Germanicum oceanum, Sueliam, & Noruegiam, Straboni, Plinio, Tacito, Ptolemæoq; prorsus incognitas.

Qua vero ad occidentem vertitur. Rhenum inter & Galliam, Flandriam habet, Brabantiam, Gheldriam, Iuliacum, Lucimburgum, Burgundiam quæ Imperialis dicitur, siue Comitatus, Hellsaciam, Sultiam. Tum præclaras quasdam trans Rhenum vrbes, & quæ ad Rheni ostia sunt Insulas.

In hanc autem quas diximus provinciarum medio quasi quadratam inter quandam figuram, quam Danubius à Meridie, Odra ab oriente, Germanicus oceanus à Septentrione, Rhenus ab occidente, claudunt. Has habet provincias, Alteram scilicet Sueviæ partem, alteram quoq; Bavaricæ. Tum

Boemiam, quæ sola inter Germanos, Germanica lingua non vititur, sed propria. Tum Saxoniam, & eius partes, Franconiam, Hassiam, Vestfaliam, Cleuium, Hollandiam, Frisiam, Daniam, quæ absurde bodie Dacia dicitur. Tot in summa continet notioris sectionis, provincias vniuersa Germania, quarum situs per picturam quam subiijcimus, vicinque videre licet.

Particularis vero earum descriptio, quo superscriptæ sunt ordine ad hunc modum breui narratione se habet.

Tirolum ea pars est quam duorum amnium Athesis scilicet, & Eni fluentia percurrunt, inter Alpium montes anfractusque, unde Tirolenses Athesis & Eni valles incolunt, quatenus alpibus clauduntur. Tirolum exiguum oppidum est, quod regioni nomen dedit, quæ Tirol Comitus dicitur. Hæc Rhetia quondam pars fuit, insignia in hac oppida Brixna ad Isam fluiuium, Bolzanum, Maranum ad Athesis ripas, Inspruch, & Halam factitio sale fertilem ad Enum.

Suecia superior citra Danubium Rhetia quoque pars est. Insignia eius oppida, Chempt, quæ olim Drusomagus dicebatur, & Ilaro amne alluitur, Memmingh ad eundem amnem, Bibrichum, Augsburgh, quæ olim Augusta vindelicorum dicta est. Intra Vindam & Lician amnes sita, qui in Danubium exonerantur. In ea celebres fluij, Ilaris, Licus, fontesque Danubij.

Bauaria superior citra Danubium, à Lico ad Enum usque flu-

nium, & alpes Rhetici iuris est, Trans Enum vero qua in Pannoniam superiorem vergit eius provinciae pars est, quam Noricum prisci vocauerunt. Huius insignes Ciuitates citra Enum quidem Regensburgh, quae Ratispona Italiae dicitur à Tyberio Augusto, Tyberiaci olim dicta, cum prius Artobriga diceretur. Monacum vrbs noua ad Isarae amnis ripam sita, vbi olim Abudiacum, Mariburgh, Patavia ad confluentes Eni & Danubij, & Nigri Boemici fluminis (qui vniones ferre dicitur) ripas sita, Bocrudum quondam dicta. Trans Enum vero Rothemburgh, & Salzburgh, olim Iuuania à Romanis dicta, & Linck quoque, quam Aredatam prius dixerunt. Huic provinciae Boios Gallicam gentem, pulsos Noricos nomen dedisse ferunt, ex eoque Baioariam prius, inde Bauiariam dictam.

Carniola, duplex cum sit, ea quae sicca cognominatur eas vrbes habet quae Carnorum quondam fuerunt, qui nunc Foro Iuliani dicuntur. Tota Italici iuris est, in ea plura oppida possidet Austriae Ducum familia, quae lingua Germanica vtuntur. Et vsque ad Timanum protenditur fluminem qui nunc sancti Iohannis flumen dicitur. Huius celebre oppidum Goritia, Noreia quondam dictum ad Sontij amnis ripam situm.

Carniola altera cognomine Irrigua, lapidum partim & Liburnorum (qui hodie Croatini dicuntur) iuris est, in vallibus sita inter Noricos, & Iapidicos montes, qui

hodie Carforum dicuntur. In ea plures annes ortum habent. Sed maxime Illustris Sauus in Danubium longissimo tractu ad Belgradum descendens, huius insigne oppidum, Lubiana vulgo dictum, Latine Labacum, à Labaco, Fluium, quem olim Nauportum vocabant, cuius ad Lugem paludem Strabo meminit. Vnde Lubianam vocare. Incolas coniectura est.

Carinthia, Montana Regio, ab occasu & meridie Foro Iulij & Carniolæ applicatur, & ipsa partim Norici, partim Liburnici iuris est. Eam plures interfluunt annes, sed precipuus Drauus in Danubium descendens. Ad Septentrionem Stiria iungitur. Huius insignia oppida, Marchburg, Velchmarch, Villacum, quod Vacorum prisce vocauerunt.

Stiria, olim Valeria (vt quidam ferunt) dicta, Illyrici iuris, ab Occidente & Meridie Carniolæ & Carinthia iungitur. Ad Septentrionem Austriam spectat. Ad Orientem, Pannoniam inferiorem hoc est Hungariam, respicit. In ea Mura insignis Fluius qui in Drauum exit. Vrbi-um populi trans Drauum, Germanica lingua vtuntur. Cis Drauum, Sclauonica. In ea vrbes insignes. Cælia, Ciliam vocant, Romanis vetustatibus nobilis, Pruch, et Grecziam, cum inimitissima arce Austriam spectant.e.

Austria vetustus Ducum Austriae titulus, Osterich & Osterlant, hoc est terra Orientalis dicta, qua Bauariae ab occasu iungitur, ab Eno scilicet Anne ad anasum fluium,

quum, Norici iuris est. Quæ vero Hungariam respicit,  
ab Anaſo ad Leitam vsq; fluium qui Austriam ab Hun-  
garia diuidit, superiori Pannoniæ deputatur. Habet igitur  
ab Oriente Pannoniam inferiorem, hoc est Hungariam. A  
meridie, Striæ montes, qui ab alpihus perpetui in Hun-  
gariam, & vltiores regiones protenduntur. In ea præcla-  
ra sunt oppida, Neuestat, hoc est noua Ciuitas, et VVien-  
na, olim Iulio bona dicta in Pannonia superiori ad ripam  
Danubij sita, vrbs Regia & præclara. Transgreditur et  
Danubium Austria, & Boemiæ Moraviæq; cōiungitur.

Moravia, Austriæ quæ trans Danubium est, iungitur ad Se-  
ptentrionem euntibus inter Boemiam & Hungariam quæ  
trans Danubium est, huius nobilis Ciuitas Brumna. Hanc  
regionem Hermunduros qui fidi semper populo Roma-  
no fuere, incoluisse certū est, mixtimq; subinde in Slesiam  
euntibus, Marcomannos, Sudinos, Quados, Nariscos  
habitasse ex veterum lectione picturisq; facile cōiungimus.

Slesia vero intra Odram, & Vislam fluios Moraviæ ad  
Septentrionem iuncta est. huius Inclyta Ciuitas Bresla, la-  
tine Vratislauiæ, prisco nomine Bugordis, ad ripam Odræ  
sita. Celebres annes in ea post Odram sunt, Olsa, Holsa,  
Bobrus, Barusius chartorum riuus. Nissa præterea, ad  
quæ Nissa de fluij nomine vrbs inclyta sita est.

Marchia noua Saxonie pars est, quæ ad Germanicum vsq;  
Oceanum protenditur. Hæc Odra fluius irrigat in cuius  
ripa Franchfordia vrbs diues Emporium.

Pomerania, Marchiæ nouæ Saxoniciæ ad orientem iungitur,  
Germanicorū adiacet Oceano. In ea inclytum oppidum  
Vismaria, deinde Rosstockium littoreum, negotiâibus fre-  
quens, & liberalium artium gymnasium.

Prussia post Pomeraniam ad orientem sequitur, ad utrasq;  
ripas Viſtulæ fluij, qui vetus Germaniæ, & Sarma-  
tiæ terminus fuit. Insignia habet oppida, Toroniā, Eilam,  
Louemburgh, VVarmiā, Brunsbergh, Culmen, Dansich,  
Dantiscum olim dictū, et Mariæburgū Metropolim. Hæc  
olim Hamaxobij, Velami, Venedi, et Sitones incoluerūt.  
Post Vlmerigi quos Gotthi ex Scandia Inſula in continē-  
tem descendentes expulerunt, hanc terram armis quæ sue-  
re fratres Theutonici qui sanctæ Mariæ dicuntur, qui ab  
expeditione Hierosolymitana redeuntes, post amissam  
Ptolemaiden à Friderico secundo Impetrarunt, vt armis  
subigere, et Christianam facere, & perpetuo possidere  
liceret, in ea insigne oppidum cum arce munitissima Ma-  
riæburgum, hoc est Mariæ Ciuitatem condiderunt. Hi  
sunt qui Pruteni vocantur.

Liuonia, et ipsa Christianarum provinciarum intra Germa-  
nos ultimi, per eosdem Theutonicos fratres armis quæ si-  
ta, et Christiana facta, Rhoxolanis hoc est Rhoxiæ. A  
Septentrione iungitur. Ab oriēte Tractatos habet, qui nunc  
Tartari dicuntur, à quibus sæpe incurſiones patitur. Huius  
insigniores vrbes, Riga, Narba, Renallia, Hapsel, et Tar-  
batum episcopalis sedes. A meridie Hamaxoniam ha-



bēt, & Lituaniā. Ab occidente vero nō continuo Prus-  
sue iungitur, verum intra Liuiōniā & Prussiam litus  
longum interiacet, & lata terra Polonorum Imperio pa-  
rens, quā Massagetarum esse quidam autumant. Nos ve-  
ro Tissagetarum, non leui argumēto credimus, inter Ger-  
manicos autem ideo non ponenda, quoniam nec Germani-  
ca lingua vtitur, nec Christianum nomē amplectitur.

In sulā in Germanico Oceano Germanici iuris plures sunt, ve-  
rum maiores & notiores, VVenders, Stocolm, Osilia,  
Elandia, Selandia, Lalandia, Lauandia, Ibria, Gothlandia,  
quæ vetusto nomine Scandia dicta. Sola in eo mari Pto-  
lemæo cognita, vnde olim Gotthi prodierunt.

In hoc Germanico Oceano plures sunt Sinus, sed maxime ce-  
lebres, Balticus, Venedicus, Codanus.

Suetia trans Germanicum Oceanum in continente, contra Li-  
uoniā, Prussiam, Pomeraniāq; procumbit. Tota ferme  
Germanico Oceano circūalluitur. Nec à continente auul-  
sa (glacie. n. ferme perpetua iungitur) Nec omnino conti-  
nenti iuncta. Quoniam qui eam continenti Isthmus iun-  
git, fluctibus fere semper mergitur. Vix nisi glacies eum  
faciat peruius. Grandis est Peninsula in regiones plures,  
& vicos diuisa. Insignia tamen habet oppida, Lincopiam,  
Elfsingiam, Vortergb, Lundis, Solumburg, et vestens vbi  
Sanctæ Brigidæ monumentum reliquæ quæ seruantur.

Noruegia in continente post Suetiam ad occidentem sequitur:  
hæc Daniæ quæ in Saxonico littore est. Et Scotiæ quæ in

Anglia est insula opponitur. A' Septentrione, aut glacialē  
habet Oceanum, aut terram incognitam. Ab occidente Bri  
tannicum Oceanum. Ab oriente Suetiam. Suetia vero ab  
orientē Rhutenos, olim Rhoxolanos hoc est Rhoxiam,  
et Tartaricas gentes in Noruegia. Nota oppida Germa  
nici iuris sunt, Bergis, Nidrosia, Lindesnes, Stauangria,  
Tembergh.

Citra vero Germanicum et Britannicum Oceanum, qua oc  
cidentem Germania spectat, ab Oceano ad alpes procedē  
tibus, Regionum descriptio ad hūc ferme ordinē sequitur.  
Flandria nota Provincia trans Rhenum et Mosam amnes,  
et ipsa Germanica in parte Galliae olim Belgica dicta,  
sitā est. Præclara et multa in ea oppida, sed præcipue  
Gandauum Gant vulgo dictum, olim vero Taruanna, et  
Burgis olim Genfioriacus.

Brabantia, et ipsa nota Germanica Provincia. Inter Bel  
gas, in qua Bruxellis, et Antuerpia, quam Anuersa vul  
go dicunt, præclaræ Ciuitates, et Traiectum superius co  
gnominatum, trans Rhenum et Mosam, hanc Bethasij  
quondam populi inhabitauerunt.

Gheldria Ducatus est, et ipsa in Belgis inter Rhenum et  
Mosam amnes, quā Sycambri veteres populi coluerunt.  
Insigne eorum oppidum Nimega, Neomagus olim dictū.  
Iuliacum vulgo Iuliers, Ducatus titulus, à Iuliano oppido, de Iu  
lij Cæsaris nomine, cum prius Vatuca diceretur. In quo  
plura vetustatis insignia inter Rhenum et Mosam,



quam regionem quondam incolere Menapij.

Lucimburgum, Comitatus titulus, & ipsa in Belgis Germanica gens inter Rhenum et Mosam. Præclarum huius oppidū LubbZemburgh, olim Augusta Romandissa dictū.

Burgundia quæ Imperialis, & comitatus Burgundiæ dicitur, & ipsa Germanica provincia in Sequanis Gallica gente trans Rhenum inter Mosellam & Mosam amnes. Præclarum eius & vetustum oppidum Bisuntium, vulgo Bilsanzon dictum.

Helvetia Germanica Prouincia inter Gallos, & ipsa ea olim Heluetia dicta, præclarum eius oppidum Friburgū, olim forum Tiberij (quod videre de Ptolemæo licet) dictum.

Suitia, & ipsa Heluetiorum regio Alpina tota Ab helvetia tamen hodie diuisa, cuius populi vulgo Soizeri dicuntur, ferox natio à Iulio Cæsare quondam domita. Hi nunc (vt olim) XII. pagos habitant, magis insignes, Berna, Lucerna, Zurigum, Tigurinus pagus olim dictum. Regionē hanc Limagus amnis interfuit, à quo Alemānos dictos quidam putant, qui in Turigensem lacum delatus, mox in Rhenum exoneratur, sed et Ruffa, et Aro quoq; fluijs irrigatur.

Dicendæ & in hoc tractu præclaræ quædam vrbes quæ in Gallia trans Rhenum cum sint Germanici tamen iuris sunt, & Germanica lingua vtuntur. Magniificentia nullis barbararum facile cedentes, ex quibus Germanicam potentiam, nobilitatemq; dignoscas. Ab alpibus igitur Italiae, secundum Rheni decursum, ad eius ostia, & Britannicum

oceanū in Septentrionem descendentes initium faciemus.  
Constantia prima occurrit ad Rheni ripam Gallicam, à Con-  
stantio Cæsare Magni Constantini Augusti patre au-  
gusta, & cognominata, cum prius Vitodura diceretur. Inter  
duos lacus Venetum et Acromum sita, Rhenum per eos  
lacus fluentem, ad oppositam Insulam ponte iungit. Nan-  
tuates olim incoluere.

Basilea hoc nomine quasi Regia dicta, Constantiam sequitur,  
Augustam Rauricam prius maiores dixere à Rauricis  
antiquis cultoribus cognominatam.

Argentina prius Argentuaria dicta, Basileæ succedit, quam  
Triboci Germanica gens inhabitauit, eam Stransburgum  
hodie Germani vocant ad Rheni ripam.

Spira post Argentinam sequitur ad Rheni quoque ripam, ho-  
die Helsingia adscripta, Sed Belgarum olim Ciuitas, squam  
Nemetes incoluerunt.

Vormatia, ad Rhenum succedit post Spiram Vangionū olim  
in Belgis Ciuitas.

Maguntiacus mox sequitur, Maguntia vulgo dicta, & ipsa  
in Belgis ad Rheni ripam Metropolis Ciuitas. Archiepis-  
copus inter Imperij Electores est.

Pinguen, ad Rheni ripam oppidū, quā Romani Bingham dicebāt.  
Confluentia, deinceps est post Bingham ad Mosellæ amnis  
ostia qua Rheno miscetur, unde et nomen. Mosellā vero  
quem & Obrincam Ptolemæus appellat, inferiores Ger-  
manos à superioribus diuidere affirmat.

Colonia subinde sequitur cognomine Agrippina, præclara & vetus ta Ciuitas, ac Metropolis nobilissima, in Belgis sita, & in inferiori Germania ad ipsius Rheni ripam, quã Vbi Germanica gens quondam incoluerunt, vetus ta multa Romana monumeta adhuc retinens. Vbi os ipsos trans Rhenum traduxit. M. agrippa diui Augusti Gener, Gallicarum munimento, vt inde Germanos hostes arceret. Inde à conditoris nomine Agrippina dicta, eius Archiepiscopus inter Imperij Electores est.

Hussia munitissimum oppidum Coloniae succedit, obsidione Caroli Burgundi nobile, quã fortiter feliciterq; eius Ciues ætate nostra pertulerunt, vetustum est, et Nouesium quondam dictum, Post quod mox sequuntur Mosæ, Rheni partem arripientis ostia in Gbelrensum hoc est Syeamborum finibus.

Sunt & aliæ Germanicæ trans Rhenum vrbes, non mediocres inter Gallos gloriæ, non tamen ad Rheni ripam. Nã & in regione quã nouo nomine Lothoringia vocant.

Metis est Medicinaticum olim Ciuitas, Diuodurum priscis dicta, Mesa nunc vulgo, ad Mosellæ ripam, cui ad eiusdem quoq; fluij decursum.

Treueris succedit, vetustate & bellica quondam gloria Illustris, Augusta Triberorum postea dicta, nunc Metropolis, quæ Archiepiscopu inter Imperij Electores habet.

Aquisgranum insignis Ciuitas ad citeriorem Mosæ ripam, Caroli Magni sepultura nobilis, à Scatentibus eo loco cali-

dis aquis, & Grania quodam Romano bimine, qui locū  
celebrauit, dicta, cum prius vetera diceretur.

Leodium quoq; vrbs præclara, quā Franci Ligium ab influen-  
te in Mosam eius nominis fluvio nunc vocant, Basacum  
à maioribus dicta, ad ulteriorem Mosæ ripam sita, Eburo-  
num quodam sedes, Caroli Burgundi crudelitate insignis,  
quippe quam cæsis Civibus, direptis et incensis domibus,  
nostra ætate, magna sua evertit infamia.

Dicendæ sunt hoc tractu Insignes ad Rheni ostia Insulæ Bel-  
gis ac Frisijs attributæ; ut Zelandia citius insigne oppidū  
Mittelburgum, Vatica vetusti nominis Insula. Holan-  
dia Botanorum quondam sedes. In qua Traiectum inferius  
cognominatum nobile oppidum, aliæq; minores Insulæ  
Frاندrensis, Hollandinis & Frisijs habitatæ, quas  
vsq; ad extremum rimari & persequi velle, tam diffici-  
le q̃ superuacuum fortasse videtur.

Nunc postq̃ Germaniam vndiq; circūuimus, Interiorem eius  
situm percurrentes, quem Danubium inter & Rhenum  
& Odræ amnes, & Germanicum Oceanum, quadra-  
tam quasi figuram habere diximus, ab inferiori Sueuia  
initium sumentes.

Sueuia inferior superiori de qua supra diximus intersecante ta-  
mē Danubio iungitur. Trans Danubium sita. In qua Ulma  
nobilis Civitas & Nigræ Sylvæ pars. In ea celebres  
fluvij Hercarus, Argus, Blavius qui in Danubium ad Ul-  
mam descendit, Prædicatissima Cæsari tacitoq; Prouincia,

& centum

Et centum ( vt fertur ) pagis quondam habitata.

Bavaria inferior ei quam superiorem cis Danubium diximus, eodem Danubio intercurrente iuncta, trans Danubium sua est; Cui ab Oriente Austriales Et Boemi. Ab Occidente, inferior Suevia. A Septentrione, pars Franconiae. Haec olim Noricus dicta, nunc Ducatus est illustis. In ea Civitas opificibus frequens Neringbergh, hoc est Norici mons, Segodunum prius dicta, amnis Pegninus eam interfluit, Civitas ipsa media ferme Germania sita, optimis legibus Et Repub. vivens. Trecentisquinq; Et Sexaginta Turribus, valido murorum ambitu cingitur. Sunt qui putent ( quod supra retulimus ) à Boijs Beloariam dictam. Horum ego opinioni cur accedam, non habeo, verior ( meo quidem iudicio ) sententia est, Bavariam ab Auaribus dictam. Hungaros. n. constat, feram gentem, Hungaro quodam Duce ( unde illis nomen ) ante hos sexcentum annos Scythia erupisse. Et Aures, qui tum Pannoniam tenebant, sedibus eiecisse, Auares vero profugos Noricum occupasse, Auariamq; ex eo de gentis nomine vocatam esse, quae facili vnius. B. litterae adiectione, dum huiusmodi illam vitat, in Bavariae vocabulum concessit. Melius, p. hoc Et concinnius, quam ineptè corrigere Baioariam à Boijs dictam, qui sedibus pulsī non Noricam, sed loca in quibus Boemia nunc est tenuerunt. Ex eo p. Boemiam nominarunt, unde Boemi nomen adhuc manere Cornelius Tacitus scriptum reliquit.

Boemia ab Oriente, Morauiam & Slesiae partem habet.

Ab Aquilone Saxones & Misnenses. Ab Occidente agrum Noricum. A Meridie Bauariam, & Austriam, Hercinia sylua vniuersam cingit. Albis fluius eam irrigat, sola inter Germanos, Germanica lingua non vitur, sed propria & Sclauonica. Praga in ea est splendidissima Ciuitas, & Regia, quam Mulotania fluius diuidit, Casurgis olim dicta. est & Lintomese nobilis Ciuitas, & Cuibna, vbi Argentifodinae fertilissime habentur. Quoniam vero Boios in hac loca migrasse praediximus. Consequens est vt Boemiam potius, q̃ Bohemiam pronunciandum esse censamus.

Saxonia late patens, Prouincia validis & bellicofsimis gentibus insignis, eam ab Occidente Vesera fluius terminat, Visurgus olim dictus. Aquilonarem plagam Dani obinent, & Germanicus Oceanus. Ad Meridiem Francones, Buarri, & Boemij sunt. Orientalem plagam Slesiae, & eius Saxoniae pars, quae Marchia noua dicitur, de qua supra in ambitu Germaniae diximus. In hac Prouincia minores quaedam Prouinciae sunt, sed praecipue Thuringia, & vetus Marchia, & Misna, & quae proprie Saxonia dicitur vniuersa. Ducatus est titulus, & multorum principum sedes, Thuringiae caput Hirsodia fata lignae sepius absumpta, quam Gera fluius illabatur, Burdium quondam dicta, veteris vero Marchiae oppida insignia, Stendelum ad Albis fluij ripam, & Ostro-



burghum, Albi fluius Saxoniam irrigat, ultra quem  
 nec Romani bella gesserunt, celebratissimus amnis, &  
 (vt tacite verbis viar) inclytus. Brandeburgh quoq;  
 Marchionatus titulus & insignis Ciuitas, veterem &  
 nouam Marchiam determinat. Ortello flumine, quod  
 Urbem influit, ipsam & duas Marchias diuidente. Mis-  
 nensium autem caput Misna est Ciuitas, quam Albi al-  
 luit. Inter Misnenses quoq; Merseburgh Ciuitas est, &  
 Lipzgh diues Emporium. At in ea quæ Saxonia proprie  
 dicitur, Vrbes insignes sunt, Magdeburghum Prouincia  
 Metropolis ad Albi ripam, Mce.nium quondam; & Par-  
 thenopolis dicta, Brensis, Alberstat. Phengarum quon-  
 dam vocatum Amburga, Treua olim dicta, Vneburghum,  
 Luberh insigne Emporium, Baguiso & Trauo fluij  
 irriguum ad Germanici Oceani iuxta Daniam litus. An-  
 te alias vero Brunsuiga Talisurgium quondam dicta,  
 vrbstota Germania memorabilis, trium Othonum, pa-  
 tris, filij, Nepotisq; qui Imperatores fuerunt, Ducatus  
 & patria.

Franconia Sueniæ & Bauariæ inferioribus iungitur. à Meri-  
 die. Ab occasu Rheno. Ab ortu Boëmis, & Thuringis  
 Saxonie populis. Ab Aquilone iisdem Thuringis et Has-  
 sis. Prouinciam annis Moganus illabitur vetus to nomi-  
 ne Menis dictus, qui cis Rhenum superiores Germanos  
 ab inferioribus diuidit, in Boemie montibus fontes ha-  
 bens. Illas tres Vrbes alluit, Herbipolim. S. Arctannum



quondam vocatam, & Franchfordiam, Franconiae Metropolim, & Emporium. Nobilissima quoque huius Civitas Bamberga Gramonarium olim dicta, quam Radian-  
tia flu. mediam perlabitur. Franconia vero, Fran-  
cia Orientalis dicitur, & Francorum (qui nunc Galliam incolunt) origo. Hanc Teutofages veteres Gallicos popu-  
los habitasse ferunt, à Francis Scythica gente, quondam  
sedibus pulsos, qui subinde Franconiae nomen imposuere  
Prouinciæ.

Hassia montana Regio à Rheno in Septentrionem protendi-  
tur, & Thuringia iuncta eodem Principe regitur.

Qui Germanica lingua, Lan. grauius, hoc est terræ Co-  
mes dicitur, eam Langobardos incoluisse Ptolemæi testi-  
monio facile comprobatur.

Vestfalia, in qua Caucoi veteres Germaniæ populos habi-  
tasse quondam creditur, Rheno ab Occidete clauditur. Ab  
oriēte Visurgo amne quem Vesperam dicunt. A' Septen-  
trione Frisiam & Traiectensem terram habet. A' Me-  
ridie Hassiæ montes qui Abnobi prisca appellatione dicitur,  
ex quibus Amasus vetusti nominis fluius oriūtur,  
& Padeburnam Urbem alluens, Vestfaliā mediam  
ferat. Inde per Frisiam defluens, in Oceanum fertur  
circa Amasum fluium, & Brueri quondam sedes ha-  
buere, quos Drusus Nauali prælio superauit, quosque vici-  
næ prouinciæ, Sexaginta hominum millibus vno tempo-  
re cæsis, communi consilio penitus deleuere.

Cliues



qui in his montibus caput habent. Quos in primis Ptole-  
meus enumerat.

Non omittendum censeo. Si hoc quoque ad Carmen tuum facere  
videbitur, quod ad Germaniam non pertineat, Austrialem  
Friderici Tertij, & Maximiliani Cæsaris familiam. In  
Istria Italica Provincia, non contemnenda oppida, multa  
possidere. Nam littoreæ quidem vrbes (Terestina excep-  
pta) Venetis parent. Vt Iustinopolis, Parentium, Pola,  
quæ vero Mediterraneæ sunt, Austriæ Ducibus, qui  
Istriam, Istreich, lingua patria dicunt, sequi eius March  
grauos (hoc est) Marchiones appellant. Tenent autem  
& Terestum nobilem, veteremque Coloniam, quæ Istris  
adscribitur, quippe quæ trans Timauum est fluium. Et  
in ipsa peninsula, quæ tenent oppida, Sclauonica lingua,  
non Germanica vtuntur.

Illud quoque scitu non iniucundum fortasse videri potest, cur  
Germaniam omnem, vno nomine Alemanniam vulgo di-  
cant. Sunt qui arbitrentur à Limago fluuiio, de quo supra in  
Suiitæ mentione scripsimus, Alemannos dictos. Suii item  
qui à Lemano Gallico Lacu, quem Rhodanus influit, voca-  
tos absurdissime opinentur. Nos ab Alanis dictos comperi-  
mus. Alanos Sarmaticam gentem, in Germaniam quon-  
dam migrasse certum est, Rheનોque transiisso, Germaniæ  
partem illam, quam inter Rhenum & Mosellam, & Al-  
pes superiorem vocari diximus, occupasse. In qua Suiitia,  
Helsatiaque, hoc est Heluetij sunt, Nantuatesque, & Rau-

rici, & Triboci, & reliqui quos diximus. Ex eo Aleman-  
nia quasi Alania pars illa vocata est. Eorumque nomen,  
& vires adeo auctae sunt, ut vniuersae Germaniae, pau-  
loante Diocletiani Imperium, vocabulum dederint, tantas  
autem vires genti fuisse scribunt, ut Constantius Caesar  
magni Constantini Augusti pater, circa Lingones qui ea  
locum tenebant, quae nunc vocari Hellsatiam diximus,  
Sexaginta Alamanorum millia vno praelio caecidit. Poste-  
riori vero tempore, Gratianus Augustus ad Argentua-  
riam urbem, quam nunc Argentinam dicunt, Alamanorum  
Triginta millia, & vno ipse quoque praelio strauerit. Ale-  
manos vero propriam gentem, & a Germanis diuersam  
fuisse, nemo qui historias accurate legerit, ignorabit.

Tedeschi vero Germanica, siue Alemantica gens omnis dici-  
tur. Non a Theutonis Saxonica gente ( ut quidam putant  
& communis ferme sermo recipit ) sed a Teutiscis quos  
in Norico fuisse scribit Strabo. Impudentissimasque eorum  
incurfiones, Tiberium & eius fratrem Drusum vna æ-  
tate repressisse, facilis vero est a Teutisci ad Tedeschi  
appellationem transitus, vulgo praesertim rerum vocabu-  
la facile corrumpenti.

Dignitates habet Germania, & dignitatum insignes titulos,  
primum quidem Imperatorem habent. Quem Romano-  
rum Regem ante coronationem vocant. Ius quoque Impera-  
toris eligendi, quod supra Quingentesimum annum Gre-  
gorio quinto Pontifice instituentem, Ab Othone. III.

Augusto in hæc vsq̃ tempora perseuerauit, & adhuc  
perseuerat intactum. Reges habent duos, Alterum Boe-  
morum, Danorum, & Gothorum, alterum, qui in Daciæ  
Regem vocant. Archiduces vero duos, Austriæ & Bur-  
gundiæ. Imperij Electores habent Septem. Archiepiscopos  
tres, Colonienf. m. videlicet Italiæ. Treuerensium Galliæ.  
Maguntinum Germaniæ. Cancellarios Boemorum præte-  
rea Regem pocula Cæsari ministrantem, si quando Im-  
peratorum Guilum dari contingat. Saxonum etiam Du-  
cem qui nudatum gladium præfert. Brandenburgensium  
Marchionem, sacri cubiculi Magistrum. Palatinum Rbe-  
ni Comitem. cuius officium in Aula est Imperatoriæ men-  
sæ dapes inferre, hi sunt qui electores vocantur.

Duces habent multos, sed maxime Illustres tres, ex tribus  
famijs tota Germania nobilissimis, Saxoniae videlicet,  
Austriæ, & Bavariae. Duces præterea Pomeraniæ  
Bransuigæ, Cheldriæ, Cleuis, & similes.

Marchiones quoq; plures habent, vt Brandenburg, Mora-  
uiæ, Misnæ. Comites quoq; multos, ut de Nassau, de  
Vertembergh, de Scomburgh, de Zorn, & alios, quo-  
rum nomina et titulos non Carmin modo, sed latina quoq;  
elegantia, commode recipere nō posse videtur. Post hos Mi-  
lites non paucos habent qui titulus apud ipsos nō parua æ-  
stimationis semper est habitus. Marchiones Marchgrauios  
hoc est finium Comites lingua patria vocant. Comites ve-  
ro, Si vrbium sin, Burgrauios dicunt. Si regionis cuiuspiā.



Lantgranos, hoc est terra Comites, appellant.

Ciuitates habent duas & Septuaginta insignes, quas Francas, hoc est liberas vocant. Et ea quidem libertate, quam ab Imperio consequuntur, cui cum proprio & speciali quodam iure, magis quam cetera dominia subiiciantur, si recte illi parent, inuiolata potiuntur libertate. Quod si aliquatenus ea abuti audent, grauiori subsunt iudicio, Imperiali scilicet edicto, ita ut quaecumque ab eis vi auferuntur: iure meritoque conseantur ablata. Neque propterea minus liberae existimentur, quod quadam peccandi libertate, sic propemodum priuari videantur. Peccatum enim, vera seruitus, Non etiam libertas est.

F I N I S.

Impressum Romæ per Antonium Bladum  
Asulanum. mense Septembris.  
M. D. XLVI.









